

# Innkalling av Ungdomsrådet

**Møtedato:** 11.05.2021

**Møtestad:** Heradsstyresalen på rådhuset, med moglegheit for å delta digitalt møte via teams

**Møtetid:** 14:00 – 16:00

Ta kontakt med Josefin om du vil delta på møte digitalt, så får du tilsendt link.

Det er hovudmedlemmane som er innkalla. Varamedlemmer møter berre etter beskjed frå Josefin.

Dersom du ikkje kan delta på møtet må du melde i frå til Josefin A. Vevle om dette, du kan sende e-post til [josefin.vevle@osteroy.kommune.no](mailto:josefin.vevle@osteroy.kommune.no) eller tekstmelding på 46400973.

## Sakliste

| <b>Saksnummer:</b> | <b>Tittel:</b>                         |
|--------------------|----------------------------------------|
| 17/21              | Godkjenning av innkalling og saksliste |
| 18/21              | Godkjenning av møteprotokoll*          |
| 19/21              | Vedtekter Osterøy Ungdomsråd*          |

| <b>Orienteringssaker:</b> | <b>Tittel:</b>                         |
|---------------------------|----------------------------------------|
| 1                         | Orientering/dialog om OVGS sitt arbeid |
| 2                         | Sommar på Osterøy                      |

Saker med \* er det egne vedlegg til.

## Orientering om saker:

Nina Rødseth, rådgjevar på OVGS, kjem og informerer om OVGS sitt arbeid.

Trude Tomren kjem for å få innspel til sommar på Osterøy.

06.05.21

Josefin A. Vevle

Koordinator og sekretær for ungdomsrådet

## Møteprotokoll for Ungdomsråd

**Møtedato:** 20.04.21

**Møtestad:** Heradsstyresalen Rådhuset

**Møtetid:** 14:00 –16:00

| Frammøtte medlemmer     | Rolle:     | Representant frå: |
|-------------------------|------------|-------------------|
| Frøya Solberg           | Leiar      | OVGS              |
| Sebastian Gran Reigstad | Nestleiar  | OVGS              |
| Theodor Solheim Gjenga  | Medlem     | DUO               |
| Vegard Brakvatnet Wie   | Medlem     | OUS               |
| Olav Småland            | Varamedlem | OUS               |
| Lukas Bysheim Isvik     | Medlem     | Idrett            |
| Elise Vevle             | Medlem     | Kultur            |

---

**Andre som deltok:**

Josefin A. Vevle (koordinator og sekretær for ungdomsrådet)

Olaf Hella – sektorleiar for oppvekst i Osterøy kommune

Linda Svidal Nordås – leiar for kultur og mangfald

Vidar Tufteland – rektor på Osterøy VGS

---

## Sakliste

| Saksnummer: | Tittel:                                                                     |
|-------------|-----------------------------------------------------------------------------|
| 13/21       | Godkjenning av innkalling og sakliste                                       |
| 14/21       | Godkjenning av møteprotokoll                                                |
| 15/21       | Høyring planprogram – regional plan kultur, idrett og friluftsliv 2023-2035 |
| 16/21       | Kommuneplanen sin samfunnsdel 2020-2030                                     |

---

**Orienteringssaker:** **Tittel:**

|   |                                                           |
|---|-----------------------------------------------------------|
| 1 | Arbeid med rutine og forventingar for ungdomsrådsarbeidet |
| 2 | Kommunesamanslåing                                        |

### **13/21: Godkjenning av innkalling og saksliste**

---

Innkalling og saksliste vert godkjent.

#### **20.04.21 – Ungdomsråd**

##### **Behandling:**

##### **UR- 13/21 – Vedtak:**

Innkalling og saksliste med vert godkjent, med orienteringssak om kommunesamanslåing lagt til.

### **14/21: Godkjenning av møteprotokoll**

---

Møteprotokoll blir godkjent.

#### **20.04.21 – Ungdomsråd**

##### **UR- 14/21 – Vedtak:**

Møteprotokoll blir godkjent.

### **15/21: Høyring planprogram – regional plan kultur, idrett og friluftsliv 2023–2035**

---

Fylkesutvalet vedtok 03.03.21 å sende framlegg til planprogram for Regional plan for kultur, idrett og friluftsliv 2023 – 2035 Vestland på høyring og offentleg ettersyn etter plan- og bygningslova § 7-1. Høyringsfristen er 20. april 2021.

##### **UR – 09.04.21 – Saksnummer 12/21 – Vedtak:**

Koordinator lagar eit forslag basert på behandlinga til ungdomsrådet, og ungdomsrådet kan behandle det på neste møte.

#### **20.04.21 – Ungdomsråd**

##### **Behandling:**

Koordinator for ungdomsrådet, Josefin Vevle, går gjennom forslag utarbeida på bakgrunn av møtet 09.04.21

Ungdomsrådet har ikkje forslag til endringar, og ungdomsrådet blir einstemmig einig om å sende inn dette innspelet.

##### **UR- 15/21 – Vedtak:**

Ungdomsrådet sender følgande innspel til planprogram regional plan kultur, idrett og friluftsliv:

«Osterøy ungdomsråd har ikkje nokre konkrete tilbakemeldingar på val av tema, eller problemstillingar innafor ulike tema. Ungdomsrådet syns det er bra med fokus på medverknad, og vil komme med tilbakemeldingar som er relevant for medverknad for ungdom:

- For at ungdom faktisk skal ha moglegheit til å medverka, er det viktig å tilpasse informasjonen til ungdom. Dei aller fleste ungdom har ikkje mykje kunnskap om planarbeid. Det bør bli gitt tilpassa/forståeleg informasjon om kva plan dette er, og kva denne planen betyr for den enkelte kommunen i fylket.
- Informasjonstekst med mykje ord og uttrykk som er typisk politikk- eller kommunespråk, gjer det vanskeleg for ungdom forstå teksten. Når det er vanskeleg å forstå teksten, blir det vanskeleg å komme med tilbakemeldingar.»

### **16/21: Kommuneplanen sin samfunnsdel 2020–2030**

---

Heradsstyret har i sak 006/21 vedteke å leggje ut kommuneplanen sin samfunnsdel 2020 – 2030 på 1. gongs høyring og offentleg ettersyn i 6 veker, jf. PBL § 11-14. Merknadsfrist er sett til 30.april 2021.

#### **UR – 09.04.21 – Saksnummer 11/21 – Vedtak:**

Ungdomsrådet kjem med innspel, og arbeider vidare med høyringsinnspelet på møtet 20.04.21.

#### **20.04.21 – Ungdomsråd**

##### **Behandling:**

Tar ei kort oppsummering av planen, og kva som er blitt sagt om planen tidlegare.

Ungdomsrådet er opptatt av kollektivt tilbod på Osterøy, og drøfter punktet «Arbeida for eit effektivt kollektivtilbod i kommunen». Ungdomsrådet peiker på at ordet effektivt kan tolkast på ulike måtar.

Sebastian Reigstad foreslår at ungdomsrådet kjem med innspel om å skrive «Arbeida for eit utvida og effektiv kollektivtilbod i heile kommunen».

Sebastian sitt forslag blir einstemmig vedteke.

#### **UR- 16/21 – Vedtak:**

Ungdomsrådet kjem med følgande Innspel til Kommuneplanen sin samfunnsdel 2020-2030:

«Ungdomsrådet er opptatt av kollektivtilbodet på Osterøy. Når det kjem til denne planen, så meiner ungdomsrådet ordet «effektivt» kan tolkast på ulike måtar, og at dette kan vere negativt. Forslag frå ungdomsrådet er å endre dette punktet til

- Arbeida for eit utvida og effektivt kollektivtilbod i heile kommunen»

### **Orienteringssak 1 – arbeid med rutine og forventingar for ungdomsrådsarbeidet**

---

For å drøfte arbeidet til ungdomsrådet og arbeid for ungdom på Osterøy er Olaf Hella, Linda Svidal Nordås og Vidar Tufteland med på møtet. Her svarar dei på litt spørsmål frå ungdomsrådet, og kjem med spørsmål til ungdomsrådet.

Når det gjeldt økonomi til ungdomsrådet er det 100 000 på eit fond. Dette er midlar som skal brukast for å betre miljøet for ungdommen på Osterøy, og det er ungdomsrådet som skal vere med å avgjere korleis desse kan brukast.

Vidar Tufteland informerer kort om arbeidet til Osterøy ungdomsskule, og inviterer ungdomsrådet til å vere med på utforming av aktivitetstilbod i regi av skulen.

Koordinator for ungdomsrådet skriv ein oppsummering av samtalen, som kan brukast som utgangspunkt for seinare arbeid i ungdomsrådet.

### **Orienteringssak 2 – kommunesamanslåing**

---

Koordinator for ungdomsrådet, Josefin Vevle, informerer om saka om kommunesamanslåinga, då dette er noko ungdomsrådet har drøfta tidlegare. Rask gjennomgang av saksbehandlinga i heradsstyre 07.04.21. Tar opp at det er kome krav om lovlegkontroll. Ungdomsrådet ønsker framleis å uttale seg om saka, og er eining om dette. Koordinator for ungdomsrådet undersøker status på dette, og heldt ungdomsrådet oppdatert.

# Vedtekter Osterøy ungdomsråd – OUR

## § 1 Føremål/oppgåver:

Ungdomsrådet i Osterøy kommune skal representere interessene til ungdommen i kommunen, og er eit rådgjevande medverknadsorgan. Medlemmane er folkevalde, representerer og uttaler seg på vegne av alle ungdomar på Osterøy. Ungdomsrådet har rett til å uttale seg i alle saker som gjeldt ungdom. Utvalet er oppretta med heimel i kommuneloven § 5-2.

Formålet med ungdomsrådet er å sikre ungdommen brei, open og tilgjengeleg medverknad i alle saker som gjeldt dei sjølv.

### Ungdomsrådet skal:

#### I arbeid med relevante saker for ungdom, og i ungdomsrådsmøte:

- Få informasjon om og moglegheita til å ta uttale seg i alle saker som er relevant for ungdom på Osterøy. Kommunen må sikre at ungdomsrådet blir tatt med tidleg i prosessen, for å legge til rette for reell medverknad frå ungdomsrådet.
  - Innspela frå rådet skal følge saksdokumenta.
  - Dersom kommunen er i tvil om ei sak bør takast opp i ungdomsrådet, bør dei spørje ungdomsråd om dei ønsker å uttale seg i saka.
  - Rådet har rett til å komme med synet sitt på ei sak, men det er ikkje ei plikt.
- Ungdomsrådet skal ha særleg fokus på saker på eit overordna nivå, som blant anna saker om budsjett og kommuneplanar.
- Ungdomsrådet har også moglegheit til å ta opp saker på eige initiativ.
- Ungdomsrådet skal ikkje behandle saker som gjeldt avgjersler overfor enkeltpersonar.
- Vedtak i ungdomsrådet vert gjort ved vanleg fleirtal, så lenge det er fire eller fleire medlem (halvparten) til stade på møtet. Ved eventuell stemmelikskap har leiar dobbelstemme.
- Få tilstrekkeleg sekretariathjelp av koordinator for ungdomsrådet. Koordinator har ansvar for å planlegge og kalle inn til møter. Koordinator skriv møteprotokoll(referat) og fungerer som ein kontaktperson for ungdomsrådet.

#### For å representere alle ungdommar i kommunen, og arbeide for eit godt oppvekstmiljø for ungdom:

- Ha kontakt med elevråda på skulen dei representerer. Ungdomsrådet har møterett i elevråda. Møteretten gjeldt ein elev som er med i ungdomsrådet per skule. Dette er for å sikre at ungdom for fremja saker som er viktig for dei.
- Vere pådrivar for det frivillige og offentlege barne- og ungdomsarbeidet i kommunen.
- Kvart år få midlar gjennom kommunebudsjettet, som skal nyttast for å betre dei unge sitt oppvekstmiljø i kommunen.

## § 2 Økonomi/organisering

### a) Økonomi:

- Ungdomsrådet skal få eigen konto i kommunerekneskapen. Midlar til ungdomsrådet blir fastsett i kommunebudsjettet kvart år. Ungdomsrådet viser korleis midlane er brukt i årsmelding si.
- Koordinator for ungdomsrådet disponerer midlane til ungdomsrådet, og kan vere med på drøfte korleis midlane skal brukast. Det må vere ei felles einigheit mellom koordinator for ungdomsrådet og ungdomsrådet for bruk av midlar. Dette betyr at koordinator ikkje kan disponere midlane utan at det er i samråd med ungdomsrådet si vurdering, og at ungdomsrådet ikkje kan bruke midlar utan godkjenning frå koordinator.
- For å dele ut midlar kan ungdomsrådet kan opprette eit søknadsordning der grupper og organisasjonar søke ungdomsrådet om midlar til tiltak og aktivitet som kan betre dei ungdom sitt oppvekstmiljø i kommunen. Rammene rundt dette blir fastsett i egne retningslinjer.

### b) Organisering:

- Ungdomsrådet har rett til å ha møte i skuletida.
- Ungdomsrådet kan bruka kommunalt utstyr til kopiering og utsending av dokument. Dette skal koordinator for ungdomsrådet vere behjelpelig med.
- Ungdomsrådet skal ha minimum 4 møter i året og kan ha fleire ved behov.
- Koordinator for ungdomsrådet har ansvar for å lage møteplan, i samanheng med møteplanen til heradsstyret.
- Rådsmedlemmer har krav på betaling (godtgjering) for arbeidet sitt, bestemmer kommunelova § 8-4. Medlem og innkalla varamedlem møtegodtgjersle tilsvarende 0,05% av ordførargodtgjersla pr. frammøte. Leiar får møtegodtgjersle tilsvarende 0,1% av ordførargodtgjersla.
- Heradsstyret vel ein polititar som har møte- og talerett i ungdomsrådet.
- Det skal førast referat/protokoll frå møta som inneheldt: deltakarar, saker og vedtak. Sakliste og referat/møteprotokoll er offentlege dokument, og blir lagt ut på kommunen sine heimesider.
- Legge fram årsmelding til kommunestyret kvart år. Denne skriv koordinator for ungdomsrådet i samarbeid med ungdomsrådet. Den skal leggjast fram seinast 30.11.

### § 3 Funksjonstid og samansetjing

#### a) Medlemstal

Ungdomsrådet skal ha 8 medlemmer med 8 personlege vara:

- 1 frå Danielsen ungdomsskule
- 3 frå Osterøy ungdomsskule
- 2 frå Osterøy vidaregåande skule.
  
- Ungdomsrådet kan også ha to representantar frå frivillige lag og -organisasjonar. Dei to representantane frå frivillig lag/organisasjonar blir vald av idrettsrådet og kulturrådet. Rådmannen legg fram forslag for Heradsstyret på vegne av Idrettsrådet og Kulturrådet. Medlemmane skal vere busett på Osterøy, men kan gå på skule utanfor kommunen.
  
- Rådet skal ha 40% kjønnsbalanse. Det betyr at det kan ikkje vere færre enn 3 av det kjønnet som er i mindretal. Det skal arbeidast for å sikre mangfald i rådet.
  
- Medlemmer kan søke om fritak eller permisjon av velferdsgrunnar eller flytting frå kommunen. Koordinator behandlar søknader om permisjon. Når fast medlem får innvilga permisjon, trer varamedlem inn som fast medlem i resten av valperioden. Ved fritak gjennomførast det suppleringsval i tråd med kommunen si rutine.

#### b) Valperiode

- Representantane vert for inntil 2 år om gongen. Avgangselevar kan berre sitte 1 år, dette er sidan rådet skal representere dei ulike skulane ved Osterøy.
  
- Det er val september kvart år, her blir halvparten av rådsmedlemmane skifta ut. Dette er for å sikre god flyt og opplæring mellom rådsmedlemmane. Første året med denne ordninga skjer dette ved loddtrekning. Leiar og nestleiar sitt heile perioden.

#### c) Val

- Før 31.08 kvar haust nominerer elevråda nye medlemmer til ungdomsrådet. Den enkelte elev kan også nominere seg sjølv. Representantar i ungdomsrådet kan på valtidspunktet ikkje ha fylt 19 år (ref. kommunelova av 2019)
  
- I perioden 2020–2022 innstiller elevråda representantar til ungdomsrådet, som heradsstyret vedtek. Frå og med 2023 skal det gjennomførast skuleval til ungdomsrådet. Det er koordinator for ungdomsrådet og ungdomsrådet som er ansvarleg for å gjennomføra vala.
  
- Ungdomsrådet vel sjølv leiar og nestleiar.
  
- Koordinator for ungdomsrådet har sekretærfunksjon, eller skal medlemmane sjølv utføra arbeider som følgjer ved verva.

### §4 Vedtektsendringar

- Vedtektsendringar må godkjennast av heradsstyret etter innstilling frå ungdomsrådet